

Jadid

adabiy, ilmiy-ma'rifiy va ijtimoiy haftalik gazeta

ОЙДИНЛАР

"...Устоз Саид Аҳмад ҳақида хотира ёзмоқчи бўлган киши, адиб билан ҳеч бўлмаса бир марта суҳбатлашган ёки бирор саёҳатда тугун-пугун кўтаришга ёрдамлашворган бўлса, икки йил эмас, умрининг охиригача бу тўғрида дўст-қадрдонларига кўшиб-чатиб гапириб юриши аниқ..."



(4-саҳифада ўқинг.)

Ўзбекистон Республикаси Президентининг ҚАРОРИ

МУБОРАК ҚУРБОН ХАЙИТИНИ НИШОНЛАШ ТЎҒРИСИДА

Муборак Қурбон ҳайитининг маънавий ҳаётимизда меҳр-оқибат, бағрикенглик, мурувват, дўстлик ва ҳамжиҳатлик каби эзгу тамойилларни мустаҳкамлаш борасидаги ўрни ва аҳамияти беқиёсдир.

Ушбу қутлуғ айёмни муносиб кутиб олиш ва юқори савияда ўтказиш, муқаддас ислом динининг инсонпарварлик ғоялари ҳамда миллий қадриятларимизни асраб-авайлаш ва улғулаш мақсадида:

1. 2024 йилда муборак Қурбон ҳайитининг биринчи куни **16 июнь** – **якшанба** кунига тўғри келиши тўғрисида Ўзбекистон мусулмонлари идорасининг ахбороти маълумот учун қабул қилиниб, юртимизда **16 июнь** куни Қурбон ҳайити байрами сифатида кенг нишонлансин.

2. Куйидагилар:

а) Меҳнат кодексининг 208-моддасига мувофиқ: ишланмайдиган байрам куни ҳисобланувчи Қурбон ҳайитининг биринчи куни дам олиш кунига тўғри келиши муносабати билан ушбу дам олиш куни **17 июнь** – **душанба** кунига кўчирилиши; бунда ишлаб чиқариш-техник ва ташкилий шароитлар (мавжуд узлуксиз ишлаб чиқариш, аҳолига ҳар куни хизмат кўрсатиш, навбатчилик асосида ишлаш ва бошқалар) туфайли ишланмайдиган байрам кунлари тўхтатиб қўйиш мумкин бўлмаган ишларни бажаришда дам олиш кунлари кўчирилмаслиги;

б) Ўзбекистон Республикаси Президентининг 2023 йил 22 декабрдаги "2024 йилда расмий саналарни нишонлаш даврида қўшимча ишланмайдиган

кунларни белгилаш ва дам олиш кунларини кўчириш тўғрисида"ги ПФ-213-сон Фармони билан **18 июнь** – **сешанба** куни барча ходимлар учун қўшимча дам олиш куни этиб белгиланганлиги маълумот учун қабул қилинсин.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Дин ишлари бўйича қўмита, Ўзбекистон маҳалалари уюшмаси, Ижтимоий ҳимоя миллий агентлиги ва бошқа ҳамкор ташкилотлар билан биргаликда муборак Қурбон ҳайитини халқимизнинг миллий анъана ва урф-одатларига уйғун ҳолда ўтказиш учун тегишли чора-тадбирларни амалга оширсин.

4. Туризм қўмитаси Транспорт вазирлиги билан биргаликда юртдошларимиз учун муборак Қурбон ҳайити кунларида **муътабар зиёратгоҳлар ва тарихий қадамжоларга зиёратларни ташкил этиш** мақсадида қулай шароит ва имкониятлар яратсин.

5. Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларига Қурбон ҳайитини нишонлаш билан боғлиқ тадбирларни кенг ёритиш тавсия этилсин.

6. Мазкур қарорнинг ижросини назорат қилиш Ўзбекистон Республикаси Бош вазири А.Н.Арипов ва Ўзбекистон Республикаси Президентининг маслаҳатчиси М.М.Камилов зиммасига юклансин.

Ўзбекистон Республикаси Президентининг Ш.МИРЗИЁЕВ

Тошкент шаҳри,
2024 йил 11 июнь

ФАН РАВНАҚИ



Ўзбекистон Фанлар академияси В.И. Романовский номидаги Математика институти директори, Ўзбекистон Қаҳрамони, сенатор, физика-математика фанлари доктори, академик Шавкат Аюпов билан математика соҳасидаги изланишлар, юртимизда фан ва таълим тизимида кечаётган ислохотлар борасида суҳбатлашдик.

Салоҳиятли олим оператор алгебралари, ноккоммутатив интеграллаш ва квант эҳтимоллар назарияси бўйича ўз илмий мактабига эга. У замонавий математика соҳасига кўшган улкан ҳиссаси учун Бутунжаҳон фанлар академияси (TWAS) академиги ҳамда Абдус Салом номидаги Халқаро назарий физика маркази (ICTP) аъзоси этиб сайланган.

Математика масалани ҳаётдан олади

ва уни математик усуллар билан ечиб, амалий равишда ҳаётга қайтаради

– Математика – ҳаётнинг асоси, дeймиз. Бу мураккаб фанни ўқитишда нима-ларга эътибор беришимиз керак?

– Математика четдан қаралганда мураккаб фанга ўхшайди. Сабаби, уни ибтидосидан, бошидан ўқимаса, тушуниб бўлмайди. Мен доим математикани ўрганишда ўқитувчининг, айниқса, мактаб ўқитувчисининг ўрни жуда катта эканлигини таъкидлайман. Чунки

бу фаннинг амалий аҳамияти тушунириб берилса, ўзлаштириши паст болалар ҳам қизиқиб қолади. Аксинча, мураббий қолипга тушиб, фақат қоида ва теорема ёдлатиб, ўқувчиларнинг тушунмаган саволларига жавоб бермай дарс соатини ўтказса, қарабсизки, икки-уч дарсдан сўнг болаларда "Математика умуман тушуниб бўлмайдиган фан экан", деган нотўғри тасаввур ҳосил бўлади.

(Давоми 3-саҳифада.)



ҚАРДОШЛИК



Халқ онг-тафаккурида бирон-бир тушунча, тасаввур, ифода қандай пайдо бўлади? Суриштирсангиз, ҳар бирининг ўз сабаби, омили ва тарихи борлиги ойдинлашади.

Ота юрт меҳригиёси

Туркия Республикаси Президенти Режеп Таййип Эрдоғаннинг таклифига биноан Ўзбекистон Республикаси Президенти Шавкат Мирзиёевнинг 6-7 июнь кунлари Туркияга расмий ташрифи доирасида бир неча янги ифодалар жаранглади. Булар орасида, хусусан, халқларимиз ва давлатларимиз ҳақидаги: "Бир миллат, икки давлат", "Туркия – ўзбекистонликларнинг яккинчи уйи" каби янги ифодалар қайта-қайта янгради. Улар икки халқ онг-тафаккурида ажиб бир яқинлик, меҳр-муҳаббат ва ўзгача ҳис-туйғу пайдо қилди. Шу тариқа ўзаро дўстлигимиз қардошлигимизни қувватлайдиган: "Ўзбекистон – туркияликлар учун ота Ватан", – деган ифодани янги маъно-мазмун билан бойитди.

Стратегик ҳамкорликнинг янги босқичи

Ташриф доирасида 19 та муҳим ҳужжат имзоланди. Булар икки давлат ўртасидаги алоқалар ривожига тамоман янги саҳифа очилишига хизмат қилади, албатта. Аниқроғи, бу ташриф Ўзбекистон – Туркия ўртасидаги стратегик ҳамкорликнинг янги босқичини бошлаб берди.


Охириги беш йилда Туркия Ўзбекистоннинг асосий ҳамкор давлатлар тўртлигидан жой олиб келмоқда.

(Давоми 2-саҳифада.)

БЕДОР ҲАЛ

"O'ZBEKISTONLIK. STUDENTS"

КАЛТАКНИНГ ИККИНЧИ УЧИ



Кейинги йилларда Ўзбекистон ахборот маконида кўпга эришган ва мустақил оммавий ахборот воситалари пайдо бўлди. Жамиятда ўз фикри ва сўзига, кўп сонли аудиториясига эга босма ва электрон нашрлар сафи тобора кенгаймоқда. Сўз эркинлигини таъминлаш, ахборот маконини эркинлаштириш йўлидаги ислохотлар давлат ва халқ ўртасидаги бирдамликни, ўзаро ишончни мустаҳкамлашга хизмат қилаётгани аниқ ҳақиқат.

Медиа маконни кенгайтириш, ахборот ресурслари сонини кўпайтириш йўлида амалга оширилган ишлар натижасида илгари саноқлигига бўлган, бори ҳам асосан "фильтрланган" маълумотларни беришга хизмат қилган ОАВлар ўрнини бугун сон-саноксиз ахборот каналлари эгаллаган. Хусусан, "YouTube" видеохостинг платформаси ўзининг кенг имкониятлари билан мамлакатимизда ёшлар ва катталар орасида ҳам бирдай оммалашган. Ундаги янги билимлар беришга ихтисослашган турли контентлар, таълим лойиҳалари ёшлар учун кенг имкониятлар эшигини очмоқда.

Мухими, "YouTube"да хусусий контент яратувчилар билан бир қаторда кўп ҳолларда давлат ташкилотлари, нодавлат-нотижорат ташкилотлар ҳам фойдали лойиҳаларни йўлга қўймоқда. Хусусан, Ёшлар ишлари агентлиги ташаббуси билан бошланган "Ўзбекистонлик"

лойиҳаси мамлакатимиз ёшлари учун ҳақиқий топилма бўлди, десак адашмаган бўламиз. Лойиҳа доирасида тайёрланган кўрсатувларда тақдир тақозоси билан хорижий мамлакатларда яшаб, катта муваффақиятларга эришаётган юртдошларимиз ҳамда дунёнинг нуфузли таълим даргоҳларида таҳсил олаётган тиришқоқ ўзбек ёшлари ҳаёти тўғрисида ҳикоя қилинади. Мазкур лойиҳа юртимиздан етишиб чиққан иқтидорлар бугун дунёнинг манамен деган компанияларида, илм марказларида фаолият кўрсатаётгани, бу юртининг фарзандлари фақат қора меҳнат билан шуғулланувчи ишчилардангина иборат эмаслиги ҳамда дунёни ўзгартиришга қодир ватандошларимиз бисёр эканлигини кенг оммага намойиш қилишдек эзгу мақсадни кўзлагани билан ҳам аҳамиятлидир.

(Давоми 6-саҳифада.)

КИНО САНЪАТИ

"Шундай фильм яратса бўлар экан-ку!"

Бундан уч йил муқаддам кино санъати бўйича ўтказилган матбуот анжуманида муҳтарам Президентимиз ташаббуси билан юртимиз тарихида ўчмас из қолдирган Бухоро хонлигининг машҳур саркардаси, Самарқанд шаҳри ҳокими Баҳодир Ялангтушнинг ҳаёти ва фаолияти акс эттирилган тарихий фильм яратилажагидан хабардор бўлган эдик. Кўпчилик илҳақлик билан кутган ана шу фильмнинг ниҳоят яқинда томошабинларга тақдим қилиниши мамлакатимиз маданий ҳаётида ўзига хос воқеага айланди.

Айни кунларда Ўзбекистон Миллий кино санъати саройи ва пойтахтимиздаги қатор кинотеатрларда катта муваффақият билан намойиш қилинган "Баҳодир Ялангтуш" бадиий фильми Кинематография агентлиги ва Самарқанд вилояти ҳокимлиги ҳамкорлигида суратга олинган. Одатда биз бир соатнинг нари-берисидеги фильмларга ўрганиб қолганмиз. Бу киноасар эса қарийб икки ярим соат давом этганига қарамай, кино залини ҳеч ким тарқ этмаяпти. Мухими, ҳаммамнинг тилида бир гап: "Ўзимизда ҳам шундай фильмлар олса бўларкан-ку!"

(Давоми 6-саҳифада.)



